



Leitbild

Wer simmer un was wemmer sei

Traditionell de Woibau un nocherd noch de Woitourismus präachen unser Läwe un unser Gemää. Mit unsere iwwerdiemaße Woibaufäch simmer sogar bundesweid äänie vun de greesche Woibaugemääne.
Ned wohr.

Mer lechen Wert uff en Tourismus wu zu uns basse dut, wu umweltverträglich un noochaldich ich.

De gonzheidliche A(n)satz setzt sich fort in unserm Denke und Hanne un er umfasst alle Lävensbereiche, wie z.B. Energie, Erziehung oder Ernährung (un was mer nid essen, des trinke mer...)

Daß unser Gemää so en hohe Wohnwert hot, licht an dere intakte Londschaft, am ginschdiche Klima, an de zentrale Laach, un daß es bei uns Aagebode gäbt fer die Naherholung.

Mer achten und schätzen unser schäänie Londschaft. Daß do die Nadur un die Umwelt intakt sin, des is uns wichdich. Mit dreizeh Londschaftsschutzgebiete traachen mer jetztert schon emol dodezu bei.

Mer „Kerrweiler Brierer“ sin läwensfrohe Leit. Was uns noch auszeichne dut, des sin Offenheit, Freundlichkeit un unser Hilfsbereitschaft. Des Ehreamt hot in unsere Gemää en hohe Stellewert.

Unser Gewäretreiwende, als en wichdiche Bestanddääl vum Ganze, leischden en wichdiche Beitraach, daß sich unser Gemää so positiv entwicke dut.

Mer frään uns iwwer unser Partnerschafte mit Kirrweiler im Landkreis Kusel, Kirrweiler im Elsaß und Kirviller in Lothringen.

Die Nadur is en nit wegzu-denkender, wertvoller Bestanddääl vun unserm Ort.

Mer hänn sowohl s' Geschdriche - die hischdorisch gewachsene Schdruckure - als ach die Zukunft vun unserm Winzeldorf fescht im Blick.

Mit Begeischerung speele mehr Theater. Dodemit präche mer un entwickele unser Kirrweiler als des Theaterdorf. Awer jo, des ich so.

Mer sin gadding mit unserm schäänie Pälzer Länel, un äwesemer mit allem was uns do hischdorisch, kuldurell, un vun de Nadur ringsum gäwwe isch.

Mer sin e dünamische, leischdungsstarkie Gemää mit noch weidere gude Entwicklungschance im Woibau, Wohne, Schaffe, Kuldur und Tourismus.

Wichdich iss uns e noochaldichie Ortsentwicklung. Weil des die Grundlaach ach bilde dut, fer die Zukunft vun unsere Kinner un folchende Generatione.

Die nadurnahe Lävensräum' sin en Guddääl ach vun dem, was unsern Ort so wertvoll

Unser Mariekapell un die katholisch Parrkerch präachen als Wahrzeiche des hiesiche Ortsbild.

Unser zahlreiche, vielfäldiche Vereine duen unser Gemää mit ehre Aktividäde bereichere.

Kirrweiler iss schdaatlich anerkannt als en Fremdeverkehrsart in de Palz.

Mer sin die Häämet von traditionsbewuschde un ongaschierte Bircher.

Mer sin en beliebde Wohnort in enre zentrale Laach. Unser Gemää hot e gudie Infrashdruckur un es is do ach ebbes gebodde fer Kuldur- un Freizeit.

Ruh un Erholung sin die zwää wesentliche Wohlfühfaktore vun Kirrweiler.

Kirrweiler.
Kann's.



Mer waren emol die Summerresidenz vun de Speyrem Färschtbischeff. Un dodruff simmer stolz. Iwverhaupt simmer arich stolz uff unser Ortsgschicht.

Unser Kuldurlandschaft is besunnersch schützenswert.

Die Idendidät vun unserm Ort is verbonne mit em Woibau, und der iss halt ach en wichdiche Wirtschaftsfaktor.